

湖南通志序

同治中海內軍事大定各直省大吏思方志之放失飭府廳州縣各輯其志上之設局會垣裒續前籍先事以聞既以補前志之缺略且以著咸同來東南數省戡定事實師武臣力蔚啟中興昭示來許甚盛事也湖南初併湖北爲湖廣行省雍正七年

詔天下

重修通志仍合兩湖爲一書嗣後專志肇於乾隆重

修訖於嘉慶蓋逮茲又六十餘年矣續修竣事今中丞卞公頌臣郵書徵言祿竊以爲此六十餘年中號爲多事者莫湘與皖若也方粵事起湖南最當寇衝湘軍首建賢哲並興兼施鉞建牙纛者至指不勝屈是時湘軍常雄天下又數年賊益南擾皖吳而鳳穎間寇蠭起淮軍肇興人才彬彬復盛東西角逐用平亂略於是天下言武功者淮與湘埒今其豐功偉烈載在志乘彪炳實區皖志之成忝與其事旣獲讀而序之矣今茲湘志復得附名其間於以考覽山川景

企人豪蓋誠有厚幸焉若夫湘之賢士大夫砥礪名行敦厚風俗用以踵鄉先哲之遺烈棟家幹國無負頌臣中丞編纂之盛心則祿區區之意所重有望於湘人士也夫

譔

光緒十一年六月頭品頂戴署理湖廣總督裕祿謹

湖南通志序

湖南界荆梁之交東連豫章西通黔蜀南翼嶺粵北蔽荆襄湘水貫其中洞庭阻其外衡嶽作鎮雄峙朱方重江複關是資防禦蓋亦天地之奧區也自秦漢析郡縣後上下幾二千年隸屬不常號稱難治元明以前制專潭岳後乃扼守偏沅西南邊境則溪蠻閭閻負固其閒略事羈縻有同荒徼爰逮

聖朝改土歸流屢煩兵力然後揚震疊之靈洽懷柔之化沐浴膏澤聲教浸通彬彬乎稱極治焉舊志統言湖廣合南北兩省爲一湖南分省自康熙三年始其有專志自乾隆二十一年始桂林陳文恭公實主其成於時承

列聖休明之後疆域旣分建置大定民安其業吏脩其職凡兵農禮樂諸鉅政罔弗綱舉目張規畫井井兼綜共貫勒爲一書俾官斯土者周知其戶口阨塞之數及夫因革損益之宜相與課農政修邊防興人材阜物

產訖今百數十年以來循良踵武吏治蒸蒸或有水旱兵革之災恆得以有備而無患觀嘉慶末重修此志其紀載可蹟而探也

今上御極之八年賈第恭膺

簡命來撫是邦適與續修之役自維才德不逮文恭而實事求是之心不敢不勉爰集其鄉之賢士大夫周咨博訪毋濫毋遺雖體例一遵其舊而於民物政教之大者則不厭求詳焉事未及竣旋奉

命調權鄂督時則島夷不恭籌防孔棘艱難盡瘁義不敢辭惟念一方專制經畫未周矧攝兼圻彌用懃疎彼都人士得毋以爲治不卒而病使者之闕疏乎茲幸海氛肅清

恩准回任遷復僅閱兩歲而是書適以告成若有與不佞相終始者何遇之異也竊嘗綜斯志而論之其地則演迤延屬周表可三千餘里城邑屯戍以百計綺交暮布錯若犬牙而以長沙一郡爲撫治衛內則賁乎

衡寶岳常擇外則恃乎辰沅永靖居中控馭遠駕不勞斯亦形勢之全勝也重以水深土厚百殖蕃昌農晦所穫轉漕至九萬而盈他如董鐵連錫丹漆竹木之屬以時攻取販運逾湖達江轉輸半天下財賦所出用以上紓

國計下阜民生食其利者又皆富不忘儉貴不忘勤斯固民俗之純亦其山川阻深不爲遠人所伺故無他族偏處之虞視夫江漢之間華夷趾錯姦宄易潛百貨外流習爲侈靡乃至財力相倍用猶不足其治化之難易奚可以道里計哉矧自軍興以來士民奮於忠義鋤耨棘矜所向披靡耕甿徒隸蔚爲干城前後歷三十餘年而降將叛卒不出於其間湘軍之名天下稱最其起布衣而登卿相者類皆智深勇沈不避險阻一旅之師轉戰萬里卒爲

國家殄平巨寇綏靖邊陲中興之功幾與方召爭烈若湘鄉之宏猷偉抱益陽之善任知人其尤著乎嗚呼

盛矣余謬以輅材重蒞茲土愧德不稱位貽諸公羞竊幸是書之成有足以箴予之失而裨補其闕漏者前事之不忘後事之師也抑予更有進焉昔亭林顧氏著天下郡國利病書自云不爲一時期於有用今其書具在坐論則易起行則難蓋不患無治法而患無治人也是又予與賢百執事所當共勉者矣

諸授光祿大夫頭品頂戴兵部侍郎兼都察院右副都御史巡撫湖南等處地方提督軍務眞州卞寶第序

湖南通志序

自封建之制廢而列郡興軍府之權弛而行省立

朝廷簡重臣夙望畀以臺圻函節馳驅鞠躬於申畫密疏

靖獻吁咈於

辰謨贊

國計之弛張軫民生之休戚而又以整軍經武之餘爲徵
獻考文之舉分門奏藝馳古聘今俾上下數千年之
舊聞悉求其典要縱橫數千里之陳迹咸得其指歸
此通志所由昉也而湖南通志自嘉慶庚辰重修以
來流傳六十餘載閱時既久更變愈多其大者既關
於形勝其散者不易於搜羅事蹟日增端資作述體
例具備尤貴變通今茲新志於光緒乙酉四月際雲
適觀其成邦人請爲之敘際雲何敢以不文辭夫湖
南域介荆揚疆分軫翼衡嶽嶺山之磅礴挺秀於坤
維洞庭賁水之淵渟炳靈於坎險瀟湘源遠隨九曲
而帆揚沅澧流長匯雙流而帶繞五溪東注二酉西

蟠昔綰轂於偏沅徒囿一隅之隘今藩維於區夏遂
臨七澤之宏爰乃沐浴

皇仁涵濡

帝澤以言夫學校則嶽麓誼史石鼓談經擁皋比而教先
鼓篋以言夫農田則青草堯塘赤沙隄堰事鳩集而
養給春鋤況乎苗徼弓衣繡字仰車書之化播墨笙
管吹簫諸幽籥之音漸被既深懷柔斯廣書方書策
以表以圖何莫非守土者澄敘之資作育之助耶且
夫事不逢艱鉅無以見鍾毓之獨殊也時不遇阡危
無以徵英材之傑出也我

國家右文治茂耀德勳隆迺者桂管軍興機槍焰熾時
則持旄侍從臨關外而專征運甓偏裨自田閒而奮
迹於以振赫斯之怒於以殲蠢爾之渠將才則范正
韓忠雲從於

北關相業則房謀杜斷星聚於南交倡忠義之師旌旂常
之績同仇敵愾湘省居先礪山帶河助名最盛腹心

干城之建樹躬桓蒲穀之酬庸後映而前輝地靈而人傑鬱鬱焉蒸蒸焉載籍雖繁未之或見也

際雲生

聖世仰荷

殊恩科第策名戎行洊歷忝陳藩於斯土權宣撫者經年雖征繕倥偬究心戎略邊防悉索謬掌軍儲未能摘藻鋪張續元和之一志咀華採掇撫夾深之三通然按籍而稽冀夕側朝嬰之選入境而問蓄懷原弔誼之思所幸鄉望羣公儒林碩彥具遷固之才識而各盡其長有燕許之淹通而匡所未逮通志之役編輯用藏而際雲已

簡命新承量移滇洱矣所願讀斯志者誦左徒騷怨則忠愛之思深攬太傅治安則憂勤之念結由是而訪岫嶠神異則慕神禹之功演太極精微則志濂溪之學興起而勃發仰止而景行豈惟是元顏專美於三唐中興揚其烈朱張馳聲於兩宋道學衍其傳云爾哉

光緒十一年歲在乙酉四月署湖南巡撫布政使龐際雲撰



重修湖南通志職名同治七年開局繪訪十三年編輯
光緒五年開雕十一年刊竟印行

督修

兵部尚書都察院右都御史湖廣總督臣李瀚章

前任湖廣巡撫臣劉峴

前任湖南巡撫臣王文韶

前任湖南巡撫臣崇福

前任湖南巡撫臣李明墀

前任湖南巡撫臣涂宗瀛

頭品頂戴署湖廣總督臣裕祿

頭品頂戴湖南巡撫署湖廣總督臣卞寶第

頭品頂戴署湖南巡撫臣麗際雲

監修提調

署湖南布政使司布政使臣孫翹澤

署湖南按察使司按察使臣夏獻雲

原任湖南督糧臣陸增祥

湖南鹽法長寶臣郭從矩

署湖南督糧臣但湘良

原任湖南辰永沅靖兵備道臣楊瀚

升任福建按察使前湖南辰永沅靖兵備道臣裴蔭森

前任湖南辰永沅靖兵備道臣陳寶箴

湖南辰永沅靖兵備道臣何樞

署湖南衡永郴桂兵備道臣吳錦章

升任安徽鳳穎道湖南長沙府知府臣高萬鵬

督刊委員

湖南候補直隸州州同臣許文垣

總纂

太子少保現任兩江總督世襲二等威毅伯臣曾國荃

兵部侍郎臣郭嵩燾

二品頂戴貴州按察使色爾固楞巴圖魯臣李元度

參訂

三品頂戴四品卿銜內閣中書臣郭崑燾

五品銜內閣中書臣羅汝懷

刑部郎中臣何慶澂

前浙江候補道臣鄧輔綸

五品銜候補知縣臣吳敏樹

分校

舉人羅臣鵠涂景壽長沙人熊棟良善化人周炳枝湘陰人何維

棣道州人貢生李植長沙人姚學濤善化人姚紹宗益陽人

人丁驛清泉人劉沛龍山人拔貢余澤春武陵人生員

袁繼翰長沙人陳耀長沙人李祥瀛吳全煥鍾仰旭蕭錫祚郭昌

猷湘陽人舒佐堯人王啟原湘潭人周鴻模羅拂士羅慎均

衛山人鄭漢池鄒斌奎袁樹勛鄒代鈞新化人汪峻巴陵人余

政翰李積洪李積湘平江人世職李積樾李積榮平江人

監生彭樹仁趙珪甯鄉人朱宗洛湘鄉人王傳鈞巴陵人胡興

義保靖人

採訪書籍

前龍山縣典史朱克敬監生萬方享均浙江人生員王先

煌監生廖維純均江蘇人生員汪炳殷時敏均安徽人

繪圖

生員晏起鎖監生鄒世詒均新化人

訪緝碑版遺文

監生湯亦中長沙人馮準湘潭人

收支委員

候補布政司理問應何承需

五品銜補用從九莊廷珂

試用從九易釗

試用從九吳道耀

承刊

唐法亮零陵人楊仲蕃長沙人

湖南通志敘例

楚南地志見前史者若庚仲雍湘州記郭仲彥湘州副圖
記陶岳零陵總記章宙零陵錄范致明巴陵古今記皆湮
佚不傳他若湖南土風湘中武陵諸記長沙耆舊岳陽名
賢零陵武陵桂陽諸傳全書雖不傳猶幸稱引於後漢書
三國志文選水經世說諸注中並散見太平御覽廣記資
字記諸書中斷句零章均足寶也唐廣德中置湖南觀察
使湖南之名自此始明魏裳作湖廣通志時兩湖爲一省
國初仍之康熙三年始置湖南布政司既又移偏沅巡撫治
長沙乾隆二十一年湖南始輯專志嘉慶二十五年重修
迄今又六十餘年矣仰蒙
聖澤覃敷重熙累洽衡嶽洞庭之秀靈傑益彰人才輩出軍輿
以來戰功懋著披風攬俗如常璩所謂世及事邇可得而
言者蓋不少也茲循康熙中

欽頒河南通志成式酌加損益以續前聞恭錄

詔諭於卷首其中總目十有五曰地理曰建置曰賦役曰食貨
曰學校曰典禮曰武備曰封建曰名宦曰職官曰選舉曰
人物曰方外曰祥異曰藝文卷末則爲雜志每一志中又
各分子目以綱統目以簡御繁凡爲圖九十爲表二爲卷
三百一十有六別爲敘次如左

史以記事兼以記言惟志亦然我

朝二百餘年以來

列聖重熙典謨不煥恭錄簡首弁冕斯編凡八卷

初一日地理志古之地志載方域山川風俗物產而已元
和郡縣志頗涉古蹟太平寰宇記兼及人物藝文體例稍
變焉然志乘紀載當以地理爲本今志地理爲子目十有
一其一爲輿圖用畫方計里之法繪道省總圖一府廳州
縣圖各一凡爲圖九十次則沿革歷代州郡建置分合先
爲表以明之復考諸史傳以證之察風土之要害也次曰
分野曰晷度凡有分土皆有分星然經星盡乎天度而中
國不盡地球古人以九州仰配列宿於理未可曉茲以流
傳既久姑仍舊說而增晷度一門以測日景之永短與北
極出地之高下也次曰疆域古九州荆揚之地自戰國末
皆入於楚江之上下粵之東西皆屬焉漢以長沙爲國分
置四郡而桂陽所領及於廣東零陵所領及於廣西幅員
甚遠元時置湖廣行中書省則合兩湖而兼轄廣西之境
今以湖南布政使所轄爲斷而洞庭衡嶽皆在域中固天
下名區也次曰水道曰山川郡縣有時而更山川終古不
易故禹貢以山川定疆界而鄭樵通志謂地理當以水爲
主桑經鄆注以水爲經即以水所歷之山谷城邑爲緯水

之源流明則山之脈絡益明故於山川之前增葺水道一門以相沅資瀉爲經而湖南全境如指諸掌矣次曰關隘楚南襟湘帶湖控制苗閭關隘在所必爭故特詳之次曰古蹟曰陵墓茶鄉之墟蒼梧之野古帝弓劍之所藏也

國家有大典禮遣官祭告他如名賢祠墓有司防護欲使不傷樵採云爾故謹記之又次曰風俗仿荆楚歲時記括陽風土記之例略綴於篇附著苗俗使守土者覽焉凡此皆麗於地者總爲地理志凡四十卷

次二曰建置志其子目四曰城池設險以庇民也曰公署蒞政之所在也次曰津梁徒杠輿梁惠民之政也次曰隄堰重水利也水爲利藪害亦伏焉若與水爭地則遊於此者將壑於彼凡此皆建置之大端凡七卷

次三曰賦役志其子目三曰戶口曰田賦曰蠲卹漢唐以降更有卒踐過之殊役有顧助義之別今日煩而民日擾國朝順治十四年

欽頒賦役全書略準唐之兩稅除明季無藝之征康熙五十二年詔滋生人丁永不加賦雍正初年部覈各省丁錢按田攤收於是民不罷勞吏無擾累官府興作顧工給直乾隆三十七年並停編審民尤便矣當我

朝全盛時

恩詔普免天下錢漕十次偶遇偏災卽行蠲豁近世軍興度支匱絀而田稅不加毫末故田賦一仍舊志蠲卹逐年記之志殊恩也總爲賦役志凡七卷

次四曰食貨志其子目六一日積貯備荒之要也二曰推稅卽闢市之征也近歲軍餉浩繁司計者效漢唐告糶率貸遺意以佐軍需號曰釐金仿劉晏用士人之法遴官紳以司徵歛湖南居江淮上游賴此餉軍克平大亂亦時事得失之林也三曰鹽法湖南地不產鹽仰給淮引粵匪踞江甯時借行川粵鹽以濟民食寇平後酌改票法規復淮綱而軍餉取給焉四曰錢法五曰礦廠六曰物產皆依舊志記述於衣食資生之具加詳焉總爲食貨凡七卷

次五曰學校志其子目三首曰學宮化民成俗莫先於儒術次曰學額近因寇擾各屬輸餉佐軍立功設職

特詔加學額中額有差亦異數也次曰書院唐元和中李寬建石鼓書院宋初賜額此書院得名之始五季時將維東隱居衡嶽受業者號爲山長宋胡安定公朱文公張宣公講學於嶽麓城南弟子著錄以千計則書院之極盛也試院考棚士人進身之地亦附著焉作學校志凡九卷
次六曰典禮志其子目三首曰禮儀約舉慶賀開筵巨講迎春耕藉釋菜鄉飲賓興諸禮爲官民所通行者悉著於

編禮有五經莫重於祭故次之以祀典我

朝鄧治馨香夙夜愍祀凡前代未備之典集大成焉湖南則衡嶽洞庭湘江之神均崇秩祀合而稽之有祀祀有專祀有方祀而鄉社之間春秋祈報有其舉之亦莫敢廢故以祠廟次之作典禮志凡七卷

次七曰武備志有文事者必有武備故兵制不可不詳焉漢武帝時詔伏波將軍路博德出桂陽戈船將軍嚴尤出零陵各以樓船下潁討呂嘉是爲水師征戰之始近年粵逆稱亂楚南首搯其吭在事者創練長江水師卒以平亂各屬團練鄉勇既以自衛復相率荷戈出境援助助成大助皆忠義敵愾之忱所激發也我

朝征討皆用八旗勁旅及各省綠兵嘉慶中川楚剿匪始參以鄉勇追粵匪起而楚勇湘勇攻戰遍天下蓋兵制之一變也至於驛遞之館人排夫鋪司之承充徭編皆兵屬也並類及之若夫苗防實楚南之巨政考苗之族類近粵者曰撞近滇者曰猺永寶邊境曰猺與黔接壤曰玃佬玃猺種姓既殊土俗各異撫之得宜則爲齊民防之無策或爲寇害故詳言之而以廢土司附焉歷代用兵在湖南境者特紀兵事本末以資考鏡總爲武備志凡十二卷

次八曰封建志漢初吳芮封長沙王賈誼稱爲功小而最

完勢疏而最忠自漢迄明分藩南楚者多矣大抵食其租稅而不治民事亦有未建國邑僅錫空名者惟五季馬氏六主割據五十六年其勢差異耳今錄始封及嗣爵名論爲表以著之一覽瞭然作封建表凡二卷

次九曰名宦志郡縣之世監司牧令有功德於民者沒而民有餘思焉考靈壽志名宦卽於職官中臚列事蹟而已然甘棠陰雨爲民勸賢前事之不忘後事之師也故特志名宦于職官之前凡十八卷

次十曰職官志文職自督撫以降武職自提鎮以降依品位具列焉唐人廳壁記凡職官姓名占籍任年雖丞尉必謹書之以備掌故耳凡二十三卷

次十一曰選舉志撮記科目制度而列其名次焉科目制科次曰進士曰舉人曰貢貢悉依舊志而續增之楚圖未分以前重湖阻隔土人與解者尙少自雍正二年奉

旨分闈解額較多苗蠻四廳別縣中額近年學額增廣多士觀光者幾倍於舊可謂盛矣科目之後次之以世爵世職薦舉軍功各門者以近歲軍興湘人勦匪立功內躋卿貳外膺職歸之軍功門雖不盡出科目之途實有當於聖朝立賢無方之意故彙入選舉志中凡二十七卷

次十二曰人物志楚南文獻見於隋書經籍志者有吳張勝桂陽先賢畫贊晉張方楚國先賢傳贊劉或長沙耆舊傳見於水經注者有武陵先賢傳見於遂初堂書目者有岳陽名賢傳其體例皆不可考維楚有材國寶繁焉若宋時廉溪周子得往聖不傳之學於遺經此其尤卓然者他如鉅儒碩輔節士名人歷代以來往往有之舊志紀人物以朝代爲經府州爲緯今編次悉仍其舊按地增纂而於忠義之士所錄尤多則以近年效命疆場者眾也於中志耆壽者徵人瑞也志流寓者屈于賈生司馬子長諸賢所至之處足爲山川生色也志技術者小道可觀也於後志列女者江漢化行於地爲楚二南諸詩多賢女所作聖朝明章婦順凡貞淑不貳操者雖筆門窮巷莫不搜闔闔光式爲坊表焉總爲人物志凡七十八卷

次十三曰方外志仙釋寺觀多踞山林溪壑之勝其遠者或數千百年亦足徵地靈也二氏之流游方之外政教所不及故不繫之人物志然其精修戒行亦於勸善導俗有助焉先哲考文獻者所不廢也別爲方外志凡五卷

次十四曰祥異志舊志有此門目各屬州縣志稱引亦不少考靈壽志亦列災祥蓋以感應之理不可誣也故具書之凡二卷

次十五曰藝文志歷代以來湖湘人士所述作者分經史子集四類具載於編並條其篇目撮其旨要以爲考證之資禹碑出於南嶽岵嶠峰文字奇古是爲古來金石之鼻祖舊志所輯金石二十卷茲略補所遺並將稱引過繁者稍加裁節以見志乘當舉其重者不僅作金薤琳琅觀也總爲藝文凡四十五卷

卷末曰雜志其子目有四小說家流出於稗官上之參者經史網羅軼文足以資法戒次之標舉遺獻蒐採異事足以廣見聞茲摭摭百家之言參以故老所述凡無類可歸者悉掇於篇曰紀聞者卽兩漢博聞吳中紀聞之例也曰述異者卽干寶搜神任昉述異之例也曰摭談者卽賈氏談錄孫公談圃之例也曰辨訛者卽顏氏匡謬類錄辨誤之例也摭之餘分閭位宜殿全編故以雜志十九卷終焉

湖南通志目錄

卷首之一
詔諭一 順治元年至雍正七年

卷首之二

詔諭二 雍正八年至乾隆六十年

卷首之三

詔諭三 嘉慶元年至道光三十年

卷首之四

詔諭四 道光三十年至咸豐三年

卷首之五

詔諭五 咸豐四年

卷首之六

詔諭六 咸豐五年至七年

卷首之七

詔諭七 咸豐八年至同治二年

卷首之八

詔諭八 同治三年至光緒九年

卷一 地理志一 輿圖

卷二 地理志二 郡縣沿革表

卷三 地理志三 郡縣沿革考一

卷四 地理志四 郡縣沿革考二

卷五 地理志五 郡縣沿革考三

卷六 地理志六 分野

卷七 地理志七 屬度

卷八 地理志八 疆域 形勢

卷九 地理志九 水道 一 湘水

卷十 地理志十 水道 一 沅水

卷十一 地理志十一 水道 三 資水

卷十二 地理志十二 水道 四 澧水

卷十三 地理志十三 山川 一 長沙府一

卷十四 地理志十四 山川 二 長沙府二

卷十五 地理志十五 山川 三 長沙府三

卷十六 地理志十六 山川 四 衡州府一

卷十七 地理志十七 山川 五 衡州府二

卷十八 地理志十八 山川 六 永州府一

卷十九 地理志十九 山川 七 永州府二

卷二十 地理志二十 山川 八 寶慶府

卷二十一 地理志二十一 山川 九 岳州府一

卷二十二 地理志二十二 山川 十 岳州府二

卷二十三 地理志二十三 山川 十一 常德府

卷二十四 地理志二十四 山川 十二 辰州府 永順府 沅州府 四廳

卷二十五 地理志二十五 山川 十三 澧州

卷二十六 地理志二十六 山川 十四 郴州

卷二十七 地理志二十七 山川 十五 靖州

卷二十八 地理志二十八 山川 十六 桂陽州

卷二十九 地理志二十九 關隘 一

卷三十 地理志三十 關隘 二

卷三十一	地理志三十一	關隘三
卷三十二	地理志三十二	古蹟一
卷三十三	地理志三十三	古蹟二
卷三十四	地理志三十四	古蹟三
卷三十五	地理志三十五	古蹟四
卷三十六	地理志三十六	陵墓一
卷三十七	地理志三十七	陵墓二
卷三十八	地理志三十八	陵墓三
卷三十九	地理志三十九	陵墓四
卷四十	地理志四十	風俗 苗俗
卷四十一	建置志一	城池一
卷四十二	建置志二	城池二
卷四十三	建置志三	公署 公所
卷四十四	建置志四	津梁一
卷四十五	建置志五	津梁二
卷四十六	建置志六	隄堰一
卷四十七	建置志七	隄堰二
卷四十八	賦役志一	戶口一
卷四十九	賦役志二	戶口二
卷五十	賦役志三	田賦一

卷五十一	賦役志四	田賦二
卷五十二	賦役志五	田賦三
卷五十三	賦役志六	田賦四
卷五十四	賦役志七	田賦五
卷五十五	食貨志一	積儲
卷五十六	食貨志二	鹽法
卷五十七	食貨志三	錢法
卷五十八	食貨志四	礦廠
卷五十九	食貨志五	推稅
卷六十	食貨志六	物產一
卷六十一	食貨志七	物產二
卷六十二	學校志一	學宮一
卷六十三	學校志二	學宮二
卷六十四	學校志三	學宮三
卷六十五	學校志四	學宮四
卷六十六	學校志五	學宮五
卷六十七	學校志六	學額
卷六十八	學校志七	書院一
卷六十九	學校志八	書院二
卷七十	學校志九	書院三 貢院考棚

卷七十一	典禮志一	儀節
卷七十二	典禮志二	祀典一
卷七十三	典禮志三	祀典二
卷七十四	典禮志四	祠廟一
卷七十五	典禮志五	祠廟二
卷七十六	典禮志六	祠廟三
卷七十七	典禮志七	祠廟四
卷七十八	武備志一	歷代兵制
卷七十九	武備志二	國朝兵制 水師 國練
卷八十	武備志三	驛傳 鋪遞
卷八十一	武備志四	苗防一
卷八十二	武備志五	苗防二
卷八十三	武備志六	苗防三
卷八十四	武備志七	苗防四
卷八十五	武備志八	苗防五 獠崗 廢土司
卷八十六	武備志九	兵事一 周至唐
卷八十七	武備志十	兵事二 宋元
卷八十八	武備志十一	兵事三 明
卷八十九	武備志十二	兵事四 國朝
卷九十	封建志一	

卷九十一	封建志二	
卷九十二	名宦志一	秦至唐
卷九十三	名宦志二	宋一
卷九十四	名宦志三	宋二
卷九十五	名宦志四	宋三
卷九十六	名宦志五	元
卷九十七	名宦志六	明一
卷九十八	名宦志七	明二
卷九十九	名宦志八	明三
卷一百	名宦志九	明四
卷一百一	名宦志十	明五
卷一百二	名宦志十一	國朝一
卷一百三	名宦志十二	國朝二
卷一百四	名宦志十三	國朝三
卷一百五	名宦志十四	國朝四
卷一百六	名宦志十五	國朝五
卷一百七	名宦志十六	國朝六
卷一百八	名宦志十七	國朝七
卷一百九	名宦志十八	國朝八
卷一百十	職官志一	秦至唐末

卷一百一十一	職官志二	宋一
卷一百一十二	職官志三	宋二元
卷一百一十三	職官志四	明一
卷一百一十四	職官志五	明二
卷一百一十五	職官志六	明三
卷一百一十六	職官志七	明四
卷一百一十七	職官志八	明五
卷一百一十八	職官志九	明六
卷一百一十九	職官志十	明七
卷一百二十	職官志十一	明八
卷一百二十一	職官志十二	國朝一
卷一百二十二	職官志十三	國朝二
卷一百二十三	職官志十四	國朝三
卷一百二十四	職官志十五	國朝四
卷一百二十五	職官志十六	國朝五
卷一百二十六	職官志十七	國朝六
卷一百二十七	職官志十八	國朝七
卷一百二十八	職官志十九	國朝八
卷一百二十九	職官志二十	國朝九
卷一百三十	職官志二十一	元明武職

卷一百三十一	職官志二十二	國朝武職一
卷一百三十二	職官志二十三	國朝武職二
卷一百三十三	選舉志一	制科
卷一百三十四	選舉志二	進士 唐宋
卷一百三十五	選舉志三	進士 元明
卷一百三十六	選舉志四	進士 國朝
卷一百三十七	選舉志五	舉人 宋元
卷一百三十八	選舉志六	舉人 明
卷一百三十九	選舉志七	舉人 明
卷一百四十	選舉志八	舉人 國朝一
卷一百四十一	選舉志九	舉人 國朝二
卷一百四十二	選舉志十	舉人 國朝三
卷一百四十三	選舉志十一	恩賜 副拔優貢
卷一百四十四	選舉志十二	武進士舉人
卷一百四十五	選舉志十三	貢生 明一
卷一百四十六	選舉志十四	貢生 明二
卷一百四十七	選舉志十五	貢生 明三
卷一百四十八	選舉志十六	貢生 明四
卷一百四十九	選舉志十七	貢生 明五
卷一百五十	選舉志十八	貢生 國朝一